

جریدہ علیہ

مشيخت جليله اسلاميه نك جريدہ رسميه بيدر

ذی القعدہ سنہ ۱۳۴۰

عدد ۷۷، ۷۶

شمديلك آيدہ بر نشر اولنور

برنجی سنہ

عیادتنه کیدرلر، یوله کیتدیه دعا، ارتحال ایتدیه کندیهسی ایچون جناب حقدن طلب
مغفرت ایلرلر ایدی.

امت مسعوده لرینه عائد خصوصاته واقف اولق ایچون اصحاب کراملرینه نه وارنه یوق
هیو سوال بو یوریرلر. دین و دنیا یه عائد کوزل شیلری تثبیت و تهریر، فنا شیلردن هر کس
تغیر و تحذیر ایدرلر ایدی. کافه افعال پیغمبریلری اطراد و اعتدال اوزره اولوب تلون، افراط
و تقریط کبی شوائب تقصدن عاری ایدی. حقه تجاوز، اجرای حقه قصور ایلمز لرایدی.
خواص اصحاب کراملرندن شرف قریه نائل اولانلر، خلقک خیر و منفعتنه چالیشیرلر ایدی.
آنلرک نزد پیغمبریده کی درجه مقبولیتی بو عزیتلرینک درجه سیله متناسب ایدی. مجلس
سعادتلرنده حاضر اولانلرک استعدادینه، مرتبه سینه کوره معامله بو یوریرلر ایدی.
هر کس رسول اکرمک غندنده کندیسندن داها مکرم کیمسه یوق ظن ایدمک درجه ده نائل
التفات اولور ایدی. اصحاب کرامه قازشی معامله سنیه لری پدرانیه ایدی. مجلس رسالتیناهی لری
علم و حیا، صبر و امانت مجلسی ایدی. اوراده کیمسه یوکسک سسله تکلم ایتمز هر کس
صوت پیغمبریدن دون برصوت ایله سوز سویلر ایدی. حضور سعادتلرنده بر فردک
عیبی سویلنمز، بر کیمسه یه اسناد تهمت ایدلمز ایدی. یارین ایچون بر شی صاقلامازلر،
یره اوتوریرلر، یرده یمک یرلر، برکوله طرفندن آربه اتمکی تناولنه دعوت ایدلسه لر
احابیت بو یوریرلر ایدی. آرزیه اولسه دواملی ایشی چوق سورلر ایدی. بر کیمسه دن
مفارقت بو یوره جقلری انشاده الی طوتازلر، او کیمسه الی چکینجه یه قدر اللری
چکمزلر ایدی.

فرید



۷۴، ۷۵: نسخه نك مابعدی

(منابع ذنوب)

انسانلرک وقوعیله کنهاکار صایلا جقلری شیلرک منبع و مولدی اولان اساسلر
خطرت انشاده مرکوز درت صفتدرکه بو صفتلر (مثار ذنوب) نامیله یاد اولمشدر.
یونلردن هر بری ترتیب و تدریج ایله دیکرینه اجرای تاثیر ایلمکله برابر بشقه بشقه آثار
سیدانه کثیر و مهلاک انسانیت بر چوق ذمیمه ورزیه لره باعث اولور. بونلر آیری آیری

اقتضا و تأثیر یابان ماده و جزء لردن ترکیب ایش بر خلیطه نك اعمال و اظهار ایلدیکی آنلار و نتایج پك مشاهد ر .

بوصفتلرك انسانده حصولنی امام غزالی شو صورتله بیان ایدیورکه اولاهیمی ، حیوانی صفی غالب بناء علیه انسان تولدن اعتباراً یمکه ، ایچمکه کمال حرص و شره ایل طالس بولنیور .

ثانیاً ، سبی ، اوکا بوکا شتم و تجاوز ، اموال ناسی استهلاك و اضرا رده هجوم ، مضرانس و الفت و سبب نفرت و وحشت احوال و نتایج سبب اولان صفت ظهوره کلیورکه بوکی وحشت انکیز حالات ، اولاه وجود بولان صفت حیوانیتك تابع و تالیشیدر .

بویکی صفتك برلشمسیله شیطانی صفتك آناری اولان خدعه ، دسیسه ، حیله کبی حاللر ظهور ایدیور . اك صوکره عز ، استیلا ، فخر ، غرور ، عظمت حاللردن عبارت ، ربوبیت والوهیته مخصوص صفتلر غلبه ایدیور . اکر بوابتدائی ، طیبی ، حاللر انسانك رشد و بلوغیله تربیه و تکمیل و وجوه مشروع و عهسنه توجیه ایدلر سه کرم و فضل اولله انسانه حقیقی نسبتی محافظه ایش املاز .

بو صفتلرك هر برندن اعضای انسان آیری آیری متأثر اولور . (کفر) ربی خالق طانیمق ، و (بدعت) انبیای عظامك اقوال ، افعالنده نمونه امتثال اولوب نقل و حکایه اولمیان عادات ، مسلک ، مذهب و فرقهلر ، اعتقادلر ، و (نفاق) ناس حقهده فنا فنا تصور و تصمیم کیزلمک کبی حاللر هپ قلبك بوصفتلردن آلدینی حصه تأثرک مهالکندر . انسان ودیعه خالق و آلت عرفانی اولان عقلی ، موافق رشد و هدی و قواطع سلک صفا اولان اشته بومضلاتدن تخلص و دلائل حقائقه ایصال شرف و تعالیسنه ساده جه چالیشه ایدی بو انسان عاقلک مظهر سعادت و میسر کرامت اولدینی استبشار اولونه بیلیردی .

شبهه سزدرکه کفر ، شرک ، وهیچ بر دین ایله علاقسی بولماق ، قلبی ظلم و ظلمات ایله طولو اولدینی حالده عکس صورتله کورنمک ، چرکاپلرندن توبه و تطهره سعی مدید ساحه تنزهده کمال و مبالغه نی حائر بولندیغندن انسان متفکرک بو هول انکیز وادیده دور و جولانی (ان الله یحب التوایین و یحب المتطهرین) نظم جلیلنده کی مرتبه محبوبیت و مقام تالیفه اصعاد اولنان اصحاب بصر و بصیرت میانه دخالته (درجتك اول) سبب اوله جقدرد . فرجک ، عینک ، بطک ، لسانک ، رجلك ، جمله بدنك بودرت صفتادن نیعان ایدن (کبائر ذنوب) نامبله سیئاتی شونلر کبی درکه فرج ، غیر مشروع صورتده « زنا »

لواطه ، لسان ، یالان یره شهادت ویالان یره یمین ایدر . ال ، بغیر حق قتل و سرقت ایدر . بطن ، اموال وقفی و اموال یتیمی قبول ایدر . ایشته بومعاصینک (مٹار) نوران و هیجانه منبع بودرت صفتدر .

(ذنوبك تقسیمائی)

غزالی مرحومك بیانی اوزره کنه ، یا قول ایله الله ذوالجلال آره سنده و یاخود قولك نفسنه عائد وظائف عبودیتنه تعلق ایدر . اولکی معلوم اولان صلاتی ، صومی ترک ایکنجی ، زکات و برمه مک ، قتل نفس ، غصب اموال ، شتم اعراض کی در . ینه غزالی مرحوم ، حقوق خلقه متعلق سیئاتك دهشت و عظمتنی که سابقا (و ما کان ربك لیهلك ..) آیت جلیله سیله بوعظمت لایقوله استفاده ایدلشدر ، تقدیر صدندنه بعض آثار نقل ایدیور . دیورکه ، خبرده وارددرکه اعمال ناس اوچ نوع دفترو دیوان ایله تفریق اولمش . بر قسمی عفو و مغفرت ایدیله جککر ، دیگر کی ایدیله جککر ، دیگر بری ده البته مطالبه اولنه حق و احکامینک رضا و جلب فراغه وابسته بولنه جفلدر . غزالی بواعمالی تفصیل ایضاح ایله دیورکه حقوق عبادت تعلق ایدن سیئات ، زکاتی ترک ، قتل نفس ، غصب اموال ، شتم اعراض ، حق غیردن اخذ و تناول اولنان شیئر کی که بوجق ، یا نفس یا نفسك اطرافی که « ال ، آفاق ، کوز ، قولا کی اجزای بدنر . « یا مال ، یا عرض ، یا دین ، یا چاه و شرف اولور . دین و مذهبک تساوی ، خلقی اغوا و اضلال و انواع بدع و ضلاله دعوت و تشویق و معاصی و منکراته ناسی ترغیب ، بعض نااهل و اعظلمک عامه به بین الخوف و رجا اجرای و غظ و نصیحتله اقتضای حاله کوره بعضاً جانب رجائی به بعضاً جانب خوفی تبلیغ ایدرک بومسلك اعتوالی التزاملری مطلوب ایکن صرف جانب رجائی کو ستره رک او طرفه اماله و اولصورته حقوق مقدسه الهیه به فارشی خلقک جرأت و جسارتلری جلب و تمییح ایللری کی . و حقوق عبادت تعلق ایدن سیئات عظیم و هائل ، ترک و مسامحه سی غیر قابل وینه بین الله اولانلر ایسه (شرک و کفر دن باشقه سی) عفو و مسامحه ده یقین اولانلردر بو خصوصیده خبر سابق ایله تنویر و تأیید ایدیور .

(ذنوبك دیگر بر تقسیمائی)

دنب و معصیت ، دینک اوامر و نواهیسنه قارشی بر جرأتدر بوایسسه واضع دینک

اومنی به ویردیکی درجه اهمیتله بیلینه جکنه ذاهب اولدقلرندن هر هانکی ذنب که شارع طرفندن حد، لعن، وعبد شدید اقران ایلش ایسه اونک کبر وعظمتنه، اوله اولیانلرک صغر واهمیتسز لکنه بعض علما قائل وبوصورتله ذنوبک ماهیتی تشریح ایلکی اختیار ایلشله ومعصیتلرک کیره وصغیره قسملرینی بورأی واعتباردن تعریف مذکور ایله تفریق ایدیور. ذنوبک ماهیتی حقه آراء علما مختلف اولقله برابر بوتعریف — کندینه حد، لعن، وعید، اقران ایلک — اختیار اولمش . وبو طرز داخلنده لسان شرعده وارد اولان کناهلر یدیوزه ابلاغ ایدلشد. بوکثرک عظمتی ابن عباس حضرتلرینت (الا انه لا کبیره مع الاستغفار ولا صغیره مع الاصرار) قول مرویسی تعدیل ایدر. روایت اولنیورکه ابن عباس حضرتلرینه، کبائر ذنوبک مقداری سؤال اولمش جوابنده (هی الی سبعة اقرب الا انه لا کبیره ..) بیورمشله، کبائر یدیوزه قریبدر لکن استغفار ایله کیره، اصرار ایله صغیره قالمز .

بوتقسیمه قائل اولان علمای اهل سنتدر . علمای دیندن بعض فرقه کناهی، بالجمله افرادینی صغائرذن عبارت قیلیور . اسلام شرفی حائر وبوشرف دوام ایلدکجه مرتکب معاصی اولمقدن ضرر کلز دیورلر . ودها بشقه فرقهلر بومسئلهده لشقه رأی وحکمه سالک بولمشله . مرجعلرنده بومباحث تفصیل ایدلشد : علمای مالکهدن امام لقمانی، (جوهره التوحید) منظومه سنده شوسوزلریله بومسئلهده کی حمله اقوالی رد ومذهب اهل سنتی ارأه ایدیور .

ثم الذنوب عندنا قسمان : صغیره کبیره فالثانی

منه المتاب واجب فی الحال : ولا انتقاض لما یعود للحال

آیاشی زاده

مصطفی رفیق

